

四庫全書

史部

欽定四庫全書

史部

欽定勦捕臨清逆匪紀畧卷一
三

詳校官監察御史_臣劉芬

編修_臣袁謙履勛

總校官進士_臣朱鈺

校對官編修_臣朱紱

謄錄監生_臣李金翅

欽定四庫全書

史部三

欽定臨清紀畧

紀事本末類

提要

臣等謹案

欽定臨清紀畧十六卷乾隆四十二年大學士于

敏中等恭撰

奏進乾隆三十九年九月山東壽張逆寇王倫
反突掠陽穀趨臨清直隸山東合兵蹙之而

大學士舒赫德奉

詔統八旗勁旅亦至王倫窮迫自焚死盡得其黨
械送京師磔于市因

命述戡定始末為此編我

朝自

列聖以來釀化懿綱重熙累洽普天率土含識知歸
我

皇上念切痼瘵

德符情載求寧求瘼

宵旰憂勞恒恐一夫之不獲

深仁厚澤縷數難窮即田賦之蠲除動千百萬漕
粟之寬貸亦動千百萬水旱偶沴賑卹頻仍
更不知其幾千百萬數十年來述

聖政者亦不勝其記載四瀛之內徧沃衢尊蓋莫
不食福飲和熙春泳化無論圓顱方趾具有
彝良即悍戾鷙忍之徒亦皆當革彼鴟音化

其鷹眼王倫等乃肆萌逆節敢亂天常遂煩
鄭澤之攻自取貝州之戮蓋天地之大無所
不生狼貪寔出於性成虺毒自為其種類初
則事魔叱策託以歛財繼乃聚衆焚香因而
成黨自知妖言左道

聖世不容遂僥倖苟延鋌而走險變生意外蓋以
此也然而

運策九重

指揮七萃不旋踵而斧螳蜂蝟殘滅無遺秦功之
速未有過于是後者豈非人心之所共憤即
天道之所必誅乎是編所錄詳述

制勝之機宜並明倡亂之緣起所以為天下後世
自外

生成之炯戒也至於安輯流亡撫綏困乏兵燹之
餘所以善籌其後者謀畫無所不周惠養無
所不至益足見

聖德如天而王倫等之辜

恩謀逆為罪深于梟獍矣乾隆四十六年十月恭

校上

總纂官臣紀昀臣陸錫熊臣孫士毅

總校官臣陸費墀

欽定勦捕臨清逆匪紀略

總裁提調收掌纂修諸臣職名

正總裁

經筵講起居注官李太保議政奎 御前奎武英殿奎學士領侍衛內奎文淵閣領

閣事翰林院掌院事奎哲庶吉士管理吏部三庫事務錄黃稽滿洲都統葉雲騎尉

臣舒赫德

經筵講起居注官李太保議政奎 御前奎武英殿奎學士領侍衛內奎文淵閣領閣事臣

翰林院掌院事奎哲庶吉士管理吏部三庫事務錄黃稽滿洲都統葉雲騎尉

阿桂

經筵日講起居注官李太保文華殿大學士文淵閣領閣事臣

翰林院掌院事管理戶部事務世襲一等輕車都尉

于敏中

副總裁

李森議政奎 御前奎領侍衛內奎兵部尚書肅親王閣事管理吏部都察院肅親王

御前奎領侍衛內奎兵部尚書肅親王閣事管理吏部都察院肅親王

福隆安

刑部郎中今陞光祿寺卿臣保成

戶部員外郎今任雲南永昌府知府臣特昇額

工部郎中臣海寧

內閣侍讀臣海廣

漢提調官

戶部郎中今陞都察院左副都御史臣汪承霈

戶部郎中今任江西按察使臣馮光熊

刑部郎中今任河南懷慶府知府臣王嵩柱

戶部員外郎臣劉謹之

滿收掌官

兵部主事今任江蘇徐州府知府臣穆克登

戶部主事臣特克慎

理藩院郎中今陞南道監察御史世襲輕都尉臣佛喜保

戶部員外郎臣舒濂

漢收掌官

兵部郎中今陞浙江道監察御史臣史夢琦

吏部員外郎臣陸瑗

滿纂修官

吏部郎中今任直隸口北道臣永保

兵部郎中臣蘇楞泰

漢纂修官

翰林院編修臣李中簡

文淵閣校理內閣侍讀今任貴州布政使授調纂修臣孫永清

吏部郎中今陞通政使司參議提調兼纂修臣馮應榴

刑部員外郎今任山東運河道臣沈啟震
內閣中書今陞吏部主事臣馮培

欽定四庫全書

欽定勦捕賊匪清逆方略卷一

乾隆三十九年秋九月己卯

山東巡撫徐績奏官九月初二日午刻臣接署臨

清州知州秦震鈞會同臨清營副將稟報據堂邑

縣張四孤莊民劉會等報稱八月二十八日起更

時本莊主聖如即與經儒等率領多人手執兇械

放火傷人署州會同副將即親往查拏等情同日

又接壽張營守備王廷佐稟稱守備正在河干催漕有存營馬兵崔重飛報八月二十八日四更時有賊聚衆白布纏頭各帶器械爬入壽張城內圍住文武衙門搶劫倉庫佔踞城池等語守備隨星夜馳回飛調本營各汛弁兵并移知梁山范縣東昌三營官兵星赴壽張同力協拏等情臣閱稟不勝駭異隨即率同中軍叅將海明酌帶本標官兵由東昌一路進發一面飛咨兗州鎮臣惟一帶領

官兵由東阿一路進發初二日酉刻臣遂次齊河
有壽張營兵丁閻逢源馳向臣前密稟壽張之事
係白蓮教煽惑本處愚民聚衆滋事臣查堂邑至
壽張一百五十五里該州營兩處稟報或即一起
人犯臣晝夜遄行先赴壽張督同各營將弁擒拏
務盡并飭東昌府會同該管營汛飛赴堂邑查拏
臣又接秦震鈞稟報現獲王經隆等案內王經舉
王經介等男婦二十一名口均交堂邑縣收審撥

兵護送回縣收禁飭東昌府督同堂邑縣嚴審確
情究追餘犯從重辦理

同日河東河道總督姚立德奏言九月初二日卯
刻據兗沂曹道松齡兗州府知府福森布稟報八
月二十八日夜間壽張縣有賊匪多人越城放火
殺人搶劫縣庫縣署等情臣即自濟寧起程帶領
本標將備酌撥兵丁分路前往密行查拏一面照
會兗州鎮實力搜捕一面飛移撫臣并直隸河南

二省督撫及行大名道曹州東昌二府與壽張連界之處一體堵禦協拏毋使匪徒遠颺奏入

上命軍機大臣傳諭徐績姚立德曰奸民滋事不法實為罪大惡極然么膺烏合不過自速其死計徐績惟一到彼會勦自可迅即就擒各犯敢於圍官署劫倉庫踞城池其情罪甚為重大一經擒獲當按叛逆辦理將為首者立時凌遲同惡相濟者亦即斬決俾眾共知儆戒不得有心輕縱亦不得節外株連徐績所

奏拏獲堂邑張四孤莊各犯交堂邑縣收禁所辦未
妥此等奸民既經拏獲即當嚴解省城聽候查審堂
邑正當匪犯滋事之時豈宜復將其黨羽解回應令
國泰由彼馳往嚴審明確分別辦理再壽張逆犯均
係爬城而入其為附近奸匪可知各犯姓名居址亦
無難蹤跡而得徐績應選派勇幹兵役將各犯家屬
先行收捕解省監禁使逆匪聞知其家屬已獲心中
驚懼自更易於就擒

丙辰

上命軍機大臣傳諭徐績嘉謨曰壽張堂邑俱係八月二十八日夜舉事其中必有為首之人糾合約會不可不徹底跟究其壽張知縣沈齊義當賊匪往劫時能否督率丁役拒擊賊衆抑或愚懦無能賊至即窘迫自盡又或為賊傷戕并其眷屬亦為賊害均當查明分別辦理至賊匪搶劫縣城必非無因而起或該縣平昔貪虐不堪民情怨望致釀事端又或辦理不善

激生變故該撫若據實奏明不過失察處分設或稍有迴護彌縫之見則是心存欺罔一經敗露恐該撫不能當其罪愆若果係白蓮邪教滋事即當先從倡教之處迅速查拏辦理至壽張當水路之衝且回空糧艘所必經該撫須將此案迅速妥辦勿使南下漕艘稍有阻礙再向來糧船經行隨處催覓水手徐績應飭相近壽張之沿河文武官曉諭各幫船於壽張一帶不得添覓水手致賊匪得以冒名遠逸現在嘉謨

督押回空船隻尚在直隸境內恐於東省不及照應
即著徐績通諭押運員弁嚴行查察勿稍容賊黨匿
跡遠颺如或視為具文一經發覺將該員弁重治其
罪並著嘉謨即從陸路遄赴壽張水次親自查察飭
諭毋任奸徒漏網

臣等謹按我

朝仁濡義洽惠養元元百數十年來羣黎百姓仰樂
利之休實曠古所未有

皇上御極以來愛民保赤之心尤歷久如一日

恩膏所播作息自安洵無一夫不得其所乃逆匪王倫
竟敢藉白蓮邪教煽惑愚民勾結黨羽以圖謀
不軌且破城劫庫戕官害民罪惡貫盈是其甘
同梟獍忍外生成要不過自速其死而

宸衷猶欲然自惕當秋獮行廬

覽奏之初即降

旨以地方有司或有貪殘苛擾民情舛望致釀事端嚴

切

飭詢大吏至再至三此

聖主如傷在抱之誠不特在廷臣工所共窺見即薄海
內外凡有血氣之倫孰不當深喻而感動者乎

丁巳

上命軍機大臣傳諭大學士舒赫德曰壽張堂邑奸民
滋擾不法不可不迅速勦捕但恐該省綠營兵庸懦
無能且與奸民等或瞻顧鄉情不肯出力而徐績於

軍旅素所未嫻恐不能深合機宜及早集事昨降旨
令舒赫德馳驛往南河督視漫工今思舒赫德久諳
軍務著即由天津一路前往山東舒赫德過天津時
即密告總兵永昌豫選該鎮綠營兵一二千聽候調
用又滄州駐防滿兵亦可密告該城守尉酌選數百
備調又青州駐防滿兵或可密檄該副都統豫選數
百備調舒赫德行次德州時探聽壽張之事如徐績
已經獲犯結案舒赫德即可徑赴南河辦理隄工若

徐績尚未辦完舒赫德即先帶德州駐防滿兵數百
星馳前往出其不意自可迅速撲滅如兵力稍覺不
敷舒赫德即酌量情形應調何處豫備兵若干即由
驛急郵檄調舒赫德於調兵諸事當有印信為憑起
程時可帶欽差大臣關防前往備用俟剿賊之事辦
畢舒赫德即由彼前赴南河董視漫口堵築情形刻
期督促合龍以副軫念

臣等謹按逆匪蟻屯烏合自不難於剿除然或

調度未宜稍稽誅戮即足以為害閭閻我

皇上軫切民生

特命

臣

舒赫德於董築河防之先順道體察嗣以選發

勁兵即命

臣

舒赫德督理勦賊之事臣舒赫德

得以稟承

指示籌畫施行迨賊衆盡殲而河隄亦適報合龍山東

淮甸小民共樂安恬並仰

聖主痼瘼隱念實一視同仁而輕重緩急之權衡又絲

毫不爽也已

戊午

徐績奏言臣於初四日行至銅城驛知逆匪於初二日夜間已棄壽張縣城攻擾陽穀兗州鎮臣惟一尾追殺入東門衝出南門殺斃逆匪多人并拏活賊十六名臣正在直趨陽穀適接東昌府稟報逆匪於初三日夜間騷擾東昌府現在固守等情臣立即帶兵馳救賊已於初四日竄散聞巨魁尚

在陽穀臣即星夜赴擒初四日四更行至七級與河
臣姚立德相遇知陽穀賊已散去隨酌議分頭勦
捕適據東昌府稟報賊匪復來臣與河臣立即帶
兵馳赴東昌入城時即於東門外拏獲奸細二名
身邊搜出順刀白布訊供賊黨隨地潛伏約定入
城之人放火為號城外賊匪即聚集攻城為首係
壽張人王倫身穿黃馬褂實有謀為不軌形跡賊
夥約千餘人隨地脇從俱用白布纏頭手執順刀

木棍每入城止圖打劫銀錢到手即棄城不顧等情即將該二犯凌遲處死梟示訖又據探報賊匪於初四日傍晚攻破堂邑縣而逸臣與河臣細加商酌賊匪竄伏無定東追則西逸若僅向一處追剿逆匪轉得借逃竄以疲我兵力必須四面合攻斷其去路方可剿滅臣現調德州高唐兩路官兵由西北截其去路飭臨清營拒住正北一路并令兗鎮帶領河鎮兩標官兵截住東路臣親率泰安

及本標官兵從南路直攻四面調度策應剋期會
勦留河臣防守東昌調布政使國泰料理糧餉以
期剋日勦平至逆匪所擾壽張陽穀堂邑三城俱
將庫存銀兩搜劫釋放監犯收入夥內壽張縣知
縣沈齊義署堂邑縣知縣陳枚壽張營遊擊趕福
陽穀縣縣丞劉希燾典史方光祀或因持械捕擊
或因罵賊不屈俱被殺害又據獲犯馬忠玉等供
稱因壽張縣查拏邪教甚嚴堂邑縣搜查張四孤

莊放火殺人餘犯是以俱懷恨殺害現今壽張陽穀堂邑三處賊俱棄城而逸並不屯踞官兵會合自可剋期勦除淨盡至臣蒙

皇上天恩簡畀封疆重任不能先事防察以致逆匪肆害至於此極實無顏仰對

君父現在賊未全獲臣勢不與並存乞將臣先行革任臣當身先兵弁盡除惡逆即赴部聽候治罪臣不勝悚懼戰慄之至

同日姚立德奏言臣於初二日帶領將備兵丁自濟寧起程分路追擒賊匪初三日巳刻行至東平州之戴家廟傳聞逆犯已棄壽張往劫陽穀臣即刻催督各路馬步兵丁迅速前往接應本日申刻抵張秋鎮適鎮臣惟一來晤詢知逆首王倫係奉白蓮邪教煽惑愚民到處迫脅入夥謀為不軌嗣又據東昌府稟報現在郡城亦有賊匪來擾臣聞撫臣徐績已赴彼勦賊臣亦帶兵星往接應旋又

據報初四日晚逆匪已攻擾堂邑仍由西北而逸
臣查逆匪侵擾之處雖過而不停而人數漸衆肆
行劫殺東昌地居要道為省城門戶既有賊匪不
時來擾更宜嚴切守禦臣行抵東昌與撫臣細加
商酌臣在郡城駐守接應撫臣添調官兵親往督
捕并飛催鎮臣及臣標將備四路圍截剋期會剿
速除醜類奏入

上命軍機大臣傳諭姚立德徐績曰逆賊敢於劫掠三

縣殺害官員不法已極不可不迅速擒治以申國憲
現在匪犯侵擾一處即棄城而遁其勢尚易勦洗但
賊人無有定所一聞官兵勦殺即四散奔竄徐績所
奏分兵合攻斷其去路所辦甚是至首犯王倫及同
惡相濟之逆黨傳播邪教之巨匪其眷屬亦必有住
落村莊著徐績等一面選派明幹將弁帶兵搜捕起
教窩藏地方將各眷口掩擒務獲按律重懲再逆匪
滋事甫經數日而夥黨已有千餘人或即係賊人侵

擾所過城邑其中頑劣無知之徒為其迫脅徐績應
廣為宣諭以逆賊敢借邪教名目煽惑鄉愚搶城劫
庫殺害官民實為法所不宥其隨行之人如本係良
民心知畏法即速解棄刀仗纏頭赴所在地方官首
明准照脅從援減如或迷而不悟一經就獲玉石俱
焚各宜深明順逆毋自貽戚如此明白曉示自當解
散至東昌地當衝要不可不加意防範姚立德現既
在彼駐守自應以此事為重前曾諭令姚立德即往

江南會同何燭查勘潘家屯引河此時又不可拘泥
前旨應俟山東辦完此案後再約何燭前往南河至
徐績奏請革任當兵効力事後赴部聽候治罪殊可
不必地方有此逆案巡撫等原有應得處分但應俟
賊平後定其過之輕重即總兵惟一亦係管轄大員
現在帶兵追賊若能始終不懈并當予以錄叙徐績
等均當努力自勉也

上又命軍機大臣傳諭直隸總督周元理總督管河南

巡撫何煥曰匪徒烏合之衆不難即日就擒第思東
昌一帶與河南直隸俱屬接壤恐賊衆因官兵勦捕
窘迫或致竄匿豫直二境轉為滋擾著周元理何煥
各於界連東省地方嚴飭文武員弁妥密巡防如遇
賊匪遁竄到彼即督同悉力邀擒昨曾諭何煥前赴
江南潘家屯與姚立德會勘引黃入湖事畢即順道
赴老壩口協同堵禦漫口今高晉奏到近日水勢已
緩易於辦理此時何煥不必即赴南河其漫工應需

料物仍應備齊聽該處調取時速即撥往以濟要工
上又命軍機大臣傳諭大學士舒赫德曰賊匪擾害一
處即棄城而遁志在劫掠得財不能釀成大患其易
辦在此但恐隨地奔竄潛匿逋誅其難辦亦在此徐
績雖已調德州高唐營兵協勦仍係綠營兵眾未必
得濟舒赫德可速往德州酌調該處駐防及各處豫
備之駐防及各處豫備之駐防滿洲兵迅即勦捕自
更易於集事至徐績所稱起事緣由訊據被獲之犯

供因壽張縣查拏邪教甚嚴是以懷恨其言未足盡
信或係該知縣貪殘病民苛碎煩擾以致釀禍激變
並著舒赫德確查奏覆

已未

山東布政使國泰奏言撫臣徐績前委臣帶兵暫
在茌平駐劄接應茲於初六日申刻接到撫臣飭
知聞賊匪在臨清州南門外柳林屯集已前往統
兵擒捕令臣赴東昌聽候調委臣即帶濟南高唐

兵星馳前往竊思賊匪形同鬼域猝難得其踪跡
恐一時未能殲除且直隸河南亦有邪教夥黨東
省追捕甚急即恐竄入直豫等省仰懇

敕下兩省督撫一體派撥官兵協捕庶可截其逋竄奏
入

上命軍機大臣傳諭姚立德徐績國泰曰國泰奏請敕
直豫兩省督撫一體派撥官兵協力截捕賊匪朕早
經籌及昨已諭令周元理何燭實力嚴防協捕其山

東相近各州縣亦應飭令一體選派兵壯嚴防如有
軼出之敗逃賊衆所到即設法掩捕自更無從漏網
上又命軍機大臣傳諭舒赫德徐績曰賊衆東西竄突
固無能為但官兵所在不過驅令奔逃尚非扼要之
道必須邀截圍住多殲賊衆方能使賊人膽落不敢
他騷滿兵烏鎗弓箭較綠營倍為銳利如果盡力勦
擊無難將賊衆掃蕩無遺惟在舒赫德妥酌為之至
壽張等縣署豈無衙役民壯即賊衆猝至何能聽其

傷及印官況壽張有分駐遊擊兵數不少何至將領亦為所害恐其時或有兵役潛與賊為內應不可不查明盡法懲治徐績等所帶綠營兵丁與賊人皆有鄉情親誼輕則意存觀望重則暗地勾連肘腋之間尤不可不加謹嚴防舒赫德所帶雖係滿洲兵但與徐績等同在一處亦不可不存心防察

庚申

大學士舒赫德奏言臣於初八日申刻接奉

上諭即由禮部領取欽差大臣關防於初九日起程沿途探聽信息即徐績此際辦理已竣亦擬親身到彼查核安撫再行馳赴南河盡心督率河員堵築漫口務期早為合龍以慰

聖懷奏入

諭曰徐績有粉飾處及地方有致變處即當密察一切情形速行奏聞

同日漕運總督嘉謨奏言臣押催回空糧船尾幫

於九月初八日行抵灤縣馬頭地方接奉

諭旨臣星夜乘坐小舟趕至河西務次日辰刻即由陸路馳赴山東壽張一帶親駐河干督率員弁嚴查各幫船不使奸匪潛蹤有稽顯戮奏入報

聞

同日姚立德徐績惟一國奏言臣等於初六日拜摺後據報賊已往北行走臣徐績恐其脫逃隨於初六日午後帶同兗沂曹道松齡領兵隨行探

知河標官兵在三里屯暫駐隨知會領兵將弁約定初七日早會齊并知會臣惟一由臨清領兵攻擊其背臣徐績銜殺東面河標兵丁銜殺西南是日三更至梁家淺探知賊匪屯聚柳林莊臣徐績即提兵趕赴初七日黎明行至小鄧家莊遠聞吶喊之聲即遇賊匪臣徐績督兵勦戮殺賊百數十人追至張四孤莊又遇賊匪復與攻戰又殺賊百有餘人因探知賊已不在柳林莊恐其逃竄即令

鄉民引路往前追趕至樹林茂密之處賊人處處放火擋我追兵臣向前擒拏賊即拒敵臣率兵打退往前行走復遇大夥賊匪對面迎來約有二千餘人我兵鎗礮並施傷斃多人賊匪並不畏懼從臣兩腋蜂擁而來將臣徐績圍住臣惟一督兵從旁策應與臣徐績四面衝殺殲戮多人臣等打仗時視其所用係短柄槍及槍叉順刀撲刀等械賊營內有牛馬大車數十輛所載皆係婦女行裝竊

思賊匪聚集已眾勢甚猖獗且係邪教煽惑隨地俱有黨羽接應即兵役亦有入教之人因思直隸河南亦必有其羽黨仰祈

聖恩揀發京兵一千名赴東剿賊並飛飭天津正定河
北三鎮帶兵與東省定地會剿方克有益奏入

上諭內閣曰兗州鎮總兵唯一帶兵剿賊甚屬奮勉著
賞戴花翎以示獎勵

上又諭內閣曰山東壽張縣奸民有聚眾滋擾之事現

經徐績姚立德會同兗州鎮總兵唯一帶兵分頭捕
勦雖殲賊頗多其首犯尚未就獲恐東省綠營兵不
能得力著福隆安即速回京挑派健銳火器二營兵
一千名并派帶兵侍衛章京令額駙拉旺多爾濟左
都御史阿思哈帶領迅速前往東省會勦若賊首就
擒不致蔓延再行回京昨經諭令大學士舒赫德前
赴南河勘工順道體察東省賊匪情形今既派調京
兵往勦即著舒赫德先赴山東會同拉旺多爾濟阿

思哈及徐績等籌辦務將賊匪迅速擒拏掃清餘孽
以靖地方所有京兵應得分例著每人賞銀二十兩
官員亦著賞給一年俸銀

軍機大臣議言現今挑兵一千名前往山東若照
常分撥行走未免遲延且兵丁到彼打仗亦需各
給馬匹方能得力臣等酌擬於健銳營內選馬六
百匹

圓明園選馬三百匹火器營選馬四百匹巡捕三營選

馬三百匹八旗官拴馬內選馬二百匹給與侍衛
章京兵丁等乘騎前往於本月十三十四十五等
三日分撥起程每日以百里為率再每五兵給帳
房一架計用帳房二百架即於工部給與應用并
令本營多帶鳥鎗弓箭所有沿途需用馱載官員
兵丁行裝等項應即行文令該地方官即速籌備
車輛並營驛馬匹備用其兵丁等安營飯食即交
與該地方官迅速酌量妥協經理奏入

上從之

同日大學士舒赫德奏言臣於初九日自京起程行抵通州接奉

諭旨仰見

聖訓周詳將應行籌備機宜無不備細

指示臣現已飛速劄知德州城守尉將滿兵中精健勇銳者儘數先為挑選并將烏鎗火藥鉛彈等項備辦齊全俟臣到時如事尚未竣即親身帶往迅速妥

辦使奸匪早就剿戮不致滋蔓奏入

諭曰適接徐績等奏賊竟敢拒敵已發滿兵一千前往可酌量用之剿賊更為得力若賊就擒不致蔓延再令回京可也

上又命軍機大臣傳諭舒赫德周元理何煇徐績楊景素曰邪教煽惑鄉愚隨地有黨羽接應即直隸河南與東省毗連處所其兵役亦不可信前已諭舒赫德傳旨豫備天津鎮兵一二千聽候調用今復選派健

銳火器二營精兵一千前往勦賊務期速靖么膺
以安良善但兵丁行程每日僅可百里不能迅速舒
赫德或先帶滄州及德州兵前往或先調青州滿兵
應用或俟拉旺多爾濟等到後分隊往勦聽舒赫德
妥酌辦理并諭周元理何燁於保定開封駐防滿兵
內各選數百及該督標撫標兵內酌選數百帶領於
山東連界處所堵勦務使賊衆無路可竄迅速就擒
再所派京兵一千已各辦馬匹給與乘騎恐長途不

無疲乏著楊景素於直隸各站酌備車馬更替并令徐績酌調營驛馬匹在德州豫備替換以利進行

同日直隸總督周元理奏言東省匪徒罔知法紀膽敢如此橫行一經擒捕自必四竄逃逸查直隸大名一帶與該處最為鄰近即天津各屬亦與東省接界誠恐官兵撲捕緊急賊匪即竄入直境臣於准咨之日即飛飭大名天津二道及府州縣協營嚴密稽查并委臣標後營遊擊武靈阿易州營

遊擊朱彭年正定鎮左營遊擊富勒渾赴接境地
方往來巡邏堵拏又專派清河道單功擢大名協
副將陳鎮國前往協同地方文武上緊截拏毋使
兇徒乘間漏網奏入

諭曰何不親往接境處彈壓較為有力乎

辛酉

上命軍機大臣傳諭福隆安拉旺多爾濟阿思哈曰健
銳火器兩營兵丁皆朕滿洲世僕養多年理應為

國家出力報効茲僅派赴近省朕尚加恩賞賚伊等
當倍加感激奮勉圖功至所騎馬匹各宜愛惜途中
或半騎半行在伊等亦不至過勞而馬力可以節省
福隆安於挑兵時即將朕意傳諭京兵如昨歲調赴
金川征勦之兵有情願步行者實無愧滿洲忠愛風
氣朕深為嘉慰曾經傳旨獎賞伊等諒皆聞之況由
京至山東不及千里可不各思奮勵乎至拉旺多爾
濟阿思哈帶兵在途亦宜常以此意提撕鼓舞使共

聞知

上又命軍機大臣傳諭舒赫德拉旺多爾濟阿思哈徐績曰此次挑派健銳火器營滿兵令拉旺多爾濟阿思哈帶領前往山東又有大學士舒赫德挑帶滄州德州等處之兵至彼督辦諒此么膺烏合自可立就殲擒但恐賊匪聞知畏懼豫施狡譎之計散播流言以旗兵前來勦洗必至良莠不分概行屠戮致無知愚氓聞言驚怖或於滿兵到時望風畏避轉使賊人

得以誘脅入夥不可不先為曉諭舒赫德到山東時
即會同徐績於進兵之前先行大張曉諭賊匪膽敢
侵掠城池戕官害民該省奏到時朕軫念各處城村
良善恐為賊所屠害深切矜憐又恐本地綠營兵力
較弱不甚得力未能及早竣事使閭閻速就安堵懸
注尤殷特選健銳火器二營精兵千名揀派勇幹諳
習將領分管隊伍以期迅殲賊匪保護居民至此次
派來滿兵皆係官給飯食自騎營馬一絲一粟不以

累民并嚴飭各兵皆謹慎守法不許借端滋事擾及
閭閻違者即以軍法從事務使軍行秋毫無犯市肆
安居百姓等均當仰體保民勦賊之盛心交相感慶
急盼成功至此等么膺妄作不靖自外生成實為神
人所共憤自必立就滅亡無能為患百姓當知歷來
盜賊嘯聚或由其時有格外征斂科派累民或由污
吏貪官殘忍肆虐人不堪命考之前代往事大率不
越乎此今者一遇灾祲不惜數百萬帑金多方賑卹

至於蠲貸展緩者更難數計正供而外並無絲粟加
征又非若前朝縱容貪殘官吏剝民脂膏也即間或
不肖有司稍有朘削百姓之事無不立置重典此皆
愚賤所共知者小民惟當休養生息共安樂利實不
解此等亂民何以喪心昧良甘蹈法網實為戾氣所
鍾不惟法無可貸亦屬情無可原至爾等良善居民
久臻熙皞忽遭此毒擾鮮有輯寧甚至無知愚蠢之
徒為賊逼脅入夥今當官兵征勦逆賊必推此等被

脅者在前先接鋒鏑是既為賊奪其安居復為賊陷之死地實為可憫城村居民人等當知官兵此來意在保衛善良勿稍疑畏此內如係逆賊正黨自屬罪在不赦若係被賊脅從者准於官兵未到之先各釋刀仗赴官投首則雖迷誤在先尚知悔罪歸正仍可從寬固治如有能設計擒縛逆首及黨惡呈獻者當分別優賞將此明白告誡於賊曾擾害處所及官兵經過之地多張粘貼徐績等并當轉諭各學教官傳

令文武生員各就所居城鄉遍為講解使良民咸知用兵本意拉旺多爾濟阿思哈等亦當留心管轄各兵申嚴號令有犯無赦

臣等謹按八旗勁旅不特摧鋒致果所向無前而軍律亦倍為嚴肅如前此平定準部回部及征勦金川

簡發京兵不下萬計師行所指皆民不知兵至東省以本地奸民作為不靖致煩

天兵勦捕芻芻糗糧無絲毫取自閭閻而我

皇上復重申訓誡約束嚴明毋俾稍有滋擾固宜所至
克捷而士民亦知激發天良倡勵勇敢擒捕賊
匪呈獻軍門者接踵而至也

同日姚立德徐績惟一國奏言臣徐績惟一於
初七日勦殺賊匪後正在點集官兵分路迎勦據
調赴臨清州協防之德州叅將烏大經臨清協副
將葉信署臨清州知州秦震鈞稟報初七日夜間

賊來攻城先攻西門後攻南門於城外縱火復用牛車拉秫秸焚燒城門被我兵將趕車賊人殺死賊人蜂擁城下城上鎗礮並施打死賊人三百餘名賊人又潛來城下刨挖地洞被撫標兵丁縋城而下殺死數人拏獲穆建甫李現二名訊係堂邑縣賊匪已將該二犯斬首賊人隨即分散現在追剿其有往梁家淺一帶逃竄者又被撫標千總蓋大勇殺死十餘名拏獲九名河標官兵張武廣等

殺死賊匪四名現在四路徼巡定地會勦以防逃竄奏入

上命軍機大臣傳諭徐績曰此次守禦臨清之文武官員及在事兵丁等均各奮勉出力甚屬可嘉副將葉信參將烏大經千總孟大勇均著各陞銜一等侯事竣之後該撫等量其功績奏聞請旨陞用署知州秦震鈞著該撫記名俟事竣送部引見其緇城殺賊之兵丁尤為奮勉應即拔補外委至截殺趕車賊人之

兵並在梁家淺殺賊之河標官兵張武廣等俱著該撫查明賞給一月錢糧以示鼓勵

上又命軍機大臣傳諭大學士管兩江總督高晉江蘇巡撫薩載曰壽張逆匪現經徐績等帶兵勦捕殲戮多人而賊首竄踞未獲恐東省追勦急迫逸入鄰境蔓延為害已諭直豫二省堵截擒拿賊或轉而向南由金鄉魚臺一帶與豐沛連界處所竄逸逮捕誅且致就便滋擾不可不豫為防截南河漫工現在水勢已

定一切堵築事宜吳嗣爵尚屬熟諳薩載現亦到彼
查辦灾務即可令其在工幫同吳嗣爵催料集夫上
緊堵築高晉應速馳赴山東連界之徐屬豐沛等處
密行調兵督率防勦毋任賊人稍有竄越滋事若東
省勦捕逆案要犯全獲高晉即可仍回南河催督堵
築漫工剋期合龍以慰廑念

欽定勅捕臨清逆匪紀略卷一

欽定四庫全書

欽定勦捕臨清逆匪紀略卷二

壬戌

大學士舒赫德奏言臣一路探聽連日山東俱有
文書知會直隸堵截賊匪看來事尚未竣但既未
據守城池止圖各處搶擄其勢斷不能久自可迅
速勦洗除德州滿兵已飛飭豫備三四百名外臣
途次天津遵

旨詢商署鎮永昌據云就近百里之內可得兵八百名
令其飛行檄調陸續前赴德州聽候調遣領兵員
弁俱擇從前西北兩路曾經出兵之滿員並揀派
勇往得力者分起帶領前行計天津到德州尚有
五百里令於八日之內齊集合以德州滿兵可得
一千一二百名似足敷用至青州滿兵臣已知會
該副都統令其豫備或尚須添兵再行調撥臣現
在星夜前赴德州相機酌辦奏入報

聞

同日何燭奏言壽張等處逆匪罪大惡極非尋常
劫掠可比既經東省率兵擒捕勢必四散逃逸豫
省壤地毗連亟應分頭堵禦截擊以免越境遠竄
臣隨星飛密飭河北河南各州縣營汛多撥幹練
兵役分路改裝潛於緊要隘口村莊市鎮毋分晝
夜徧加偵緝並照會河北鎮臣於附近晉省之太
行山一帶及路通潼關之河南陝州等處各專委

遊擊都守一員同地方官周流巡緝其歸德陳州及南陽等府屬與江南湖廣均屬連界並照會南陽鎮臣委都守大員一體督率嚴拏黃河各渡口臣派委就近文武幹員專司稽查盤詰臣仍懸立賞格俾各踴躍奮勵文武官弁視其有無拏獲分別懲勸一面嚴飭該管道府工緊董率不得虛應故事奏入

諭曰所辦好若逆首就獲自應如此查拏逸賊若尚未

就獲或致蔓延又當別有辦法可酌量探信行之

同日周元理奏言直隸大名廣平一路恐有賊匪
竄入臣已於初十日由保定起身巡查南路一帶
地方即行往接界處督同查拏相機辦理奏入報
聞

上諭內閣曰姚立德前次聽受太監囑託轉薦長隨一
案罪由自取念其辦理河務尚為妥協從寬革職留
任並革去翎頂以示懲儆今姚立德於壽張縣奸民

糾眾滋擾之事一聞稟報即飛咨直豫二省協緝並
親身馳赴東昌一帶與徐績惟一會勦頗知實心奮
勉且現統標兵勦捕賊眾一切均需調度若無翎頂
未免呼應不靈姚立德著加恩仍准戴翎頂俟此事
辦竣後視其如何出力再降諭旨

同日姚立德徐績奏言查東昌府知府胡德琳革
職員缺此時甚為緊要今有同知季世法才具幹
練現經委署府篆辦理諸事俱能妥協仰懇

聖恩即以該員補授東昌府知府並請

旨敕部於候補同知通判內揀選同知通判四員飭令
速赴東省以供差遣又有現在赴部候補同知龔
孫枝在東年久熟諳地方情形請一并揀發來東
聽候委用奏入

上諭內閣曰東昌府知府員缺即令季世法補授候補
同知龔孫枝著准其發往所請揀發人員並著留京
辦事王大臣於候補同知通判內照例揀選無庸引

見令其於兩三日即行起程速赴東省

同日徐績奏言賊匪起事緣由實由首犯壽張縣黨家莊人王倫借白蓮教名色傳授咒語運氣起意聚衆謀反欲從堂邑臨清往直隸一帶擾亂壽張縣知縣沈齊義聞風設計查拏洩漏消息該犯等恐事發被擒隨四處糾約於八月二十八日即行舉事其糾約不從者即將其家殺害放火至堂邑之王聖如原屬一起該犯等攻破三縣并向民

間索取車馬壽張陽穀堂邑臨清一帶各處村莊
皆有逆黨數日內聚衆已有二千餘屯聚臨清境
內臣於初七日領兵交戰時見其領衆之人兩手
持刀疾走如飛宛如獼猴其餘亦俱慙不畏死不
避鎗礮臣意逆賊中必有百十精於拳棒之人首
先率領其連破三城俱棄置不顧意欲得一堅固
城池將所帶家屬安頓留其夥黨防守是以連日
明攻臨清暗窺東昌現今逆犯雖在臨河而回空

糧船尚不騷擾臣與姚立德已遵

旨申飭沿河文武曉諭各幫不得於臨清堂邑一帶添
覓水手繚夫致令逆匪潛匿其前次拏獲張四孤
庄男犯十九名已委東昌府由堂邑提至東昌府
城其女犯二名尚存堂邑初四日賊至堂邑打開
監門將監內別案罪犯同女犯二名一併縱放臣
現將所獲各犯令國泰在東昌府就近審訊立即
正法至賊人所過之處百姓雖間有驚逃而現在

壽張堂邑陽穀城內並無餘賊文武官員印信俱未失去已據兗州府知府福森布等率同印署各官整頓衙門慰撫百姓並無失所王倫及各要犯家屬俱已車載隨行臣現委官刨挖王倫等祖父墳墓毀散骨殖以速惡逆之死鎮臣惟一現在臨清因賊勢猖獗未便輕於一擊且青州登州及滿營官兵早晚早到一俟兵齊臣約定鎮臣惟一定期南北夾攻痛殲惡逆現仍率兵遙巡使賊匪不

敢攻取臨清兼保東昌府城俟有成功即行馳奏
同日姚立德奏言臣於九月初八日接奉初五日
所降

諭旨令臣馳赴徐州與何煇會勘潘家屯引河臣即日
自東昌府起程一面將防守事宜交國泰料理河
標接仗官兵留交徐績管領調遣臣俟辦理引黃
助湖之事得有頭緒設東省尚須助勦逸賊臣仍
馳赴軍前協同截拏以淨根株以舒公憤奏入

上命軍機大臣傳諭姚立德徐績周元理曰壽張縣知縣沈齊義欲設計查拏白蓮邪教其洩漏消息之人不可不查明重治其罪至徐績所稱賊人內有持刀疾走宛如獼猴不避鎗礮等語此係徐績未嫻軍旅過涉驚惶故有是言賊匪間有跳躍使刀之人本不足異即拳勇又何能為若云不避鎗礮則初七日臨清城下焉得擊斃數百人徐績未免為道路謠言所惑該撫統兵勦賊惟在調度得宜又何必計賊之勇

怯設或所帶本地之兵實不足恃莫若俟舒赫德帶兵到時再行籌辦轉不必輕率妄動也至監禁堂邑人犯前固慮其或有疎虞今女犯果為賊衆放去其男犯十九名提禁東昌應同節次所獲之犯即行嚴審明確從重辦理昨已諭國泰赴德州承辦應付京兵糧馬之事所有應訊賊犯即令姚立德就近嚴審會同該撫定擬毋稍姑息至姚立德奏往潘家屯查勘引河殊屬不知輕重昨因該總河有防守東昌之

תורת המוסר

臣等謹按捕盜之法聚則易殲散則難勦此次賊首於連棄三城後佔據臨清意欲窺伺直隸一帶若任其肆軼則所至搶掠聚散靡定益至滋蔓難圖仰賴

明燭幾先既飭東省於附近地方實力嚴禦復

命直省督臣於山東接壤統兵防守勿使鼠輩越境滋擾不數日而油坊之捷殲其白馬賊渠遂以膽落氣沮不克復謀渡河而軼自非

神謨遠及孰能為先事之備耶

上又命軍機大臣傳諭大學士舒赫德曰徐績所奏現在勦賊情形未免胸無把握該撫於軍務素未經歷已諭令不必輕率妄動舒赫德當星夜遙行至德州俟天津兵到齊即選合德州駐防兵會同徐績惟一迅速擊捕以期早獲渠魁盡殲逆黨至徐績為封疆大吏地方有此奸民作亂不能早為覺察自不得為無罪但此際賊勢鴟張該撫已心存惶懼倘再加以

嚴飭恐其愈無主張轉於公事無補且因賊匪滋事
若即將巡撫更換治罪適足以長奸民頑獷之風俟
事定後其功過自不能掩舒赫德到東當諸事留心
體察將徐績平日居官聲名及此案前後情節據實
訪明密奏候朕酌量定奪

癸亥

姚立德徐績奏言九月初十日接奉

諭旨荷蒙

聖恩宥臣徐績重罪飭令努力自勉并

命臣姚立德仍行防守東昌臣姚立德甫行數里即刻
馳回府城嚴行駐守至臨清城內現有葉信烏大
經督兵防守臣等復密商惟一令其帶兵赴臨清
附近處所徼巡作遊兵乘隙攻擊之狀使賊不敢
攻取州城亦不敢南犯東昌而該處東有運河西
有衛河賊自難以逃竄且賊人車輛甚多更難過
渡第恐其由館陶一帶侵擾直隸臣等已咨直隸

督臣速飭大名協帶兵過衛河屯劄於館陶冠縣之間以堵其西南去路又因綠營兵單復調德州滿兵二百五十名青州滿兵六百名速赴臨清策應惟逆犯每至一村莊凡入教者俱招引攜眷而去其本不入教而其人脅力可用或能趕車喂馬亦俱迫脅隨行稍不順從即放火殺害又聞賊營無論行路劄營俱以一人管十人不能逃脫惟屯劄未定人馬紛亂之時方可逃走臣等初到東昌

即遵

旨刊發告示逐莊曉示諭以隨賊必死投首即生凡有
自賊營逃回者臣等憫其無辜受累加以慰諭取
保管束事定再行查察臣等現今同往東昌府惟
有虛心商酌議畫萬全以期迅速集事再查壽張
縣知縣沈齊義平日頗知愛民操守亦稱謹飭當
逆匪入署時執之使降沈齊義罵賊不屈即在二
堂遇害其平日實無苛擾問閹釀端激變之事臣

徐績不敢稍存隱飾致增罪戾

同日徐績奏言訊據閭逢源供王倫年約四十歲
身長四尺鬚長五寸素日為人治病家有地一項
五六十畝該犯時往堂邑縣學習拳棍凡入教之
人俱稱王倫為教主等語其他濟惡要犯不能指
出姓名至逆匪於初七日以後俱屯聚臨清州城
外初九日又來攻城被鎗礮打斃多人初十日退
居河西賊營並探知賊人向各村莊索人要糧間

אברהם יצחק

已晝夜兼程趕赴東昌俟稍養兵力臣即帶赴南路攻殺鎮臣由北路截殺又原任文登協副將王普因高雲從案內奉

旨革職臣咨查河臣姚立德據稱高雲龍赴臨清州當長隨並非王普所薦臣查王普曉暢軍務前在臣標中軍頗得兵心今當用兵需人臣不揣冒昧已令王普帶兵同海明前往如能効力立功事竣另行請

旨奏入

工命軍機大臣傳諭姚立德徐績曰逆匪敢於臨清閘上搭橋過渡致回空糧艘不能行走沿途短絳亦被脅隨行此事大有關係該處閘口為水程南北要津豈容賊匪屯佔應即揀選得力兵衆令惟一等統領將閘口之賊先行勦清使糧艘可以按幫南下最為緊要徐績等既稱密派精細弁兵燒其閘口橋木所有賊人車輛甚多自皆載其眷口輜重何不俟夜間

屯聚時亦用火攻之法姚立德徐績當與惟一妥酌行之至革職副將王普於高雲從一案情節尚未究明該撫既恐以無頂帶之人難以統率士卒著賞給叅將銜視其出力若何事成之後再行酌量降旨

上又命軍機大臣傳諭嘉謨曰回空糧船例限年內各抵水次以便冬間收兌今已過臨清各幫自可催趲南下其未進閘之幫船尚多雖掃清賊氛即可銜尾前進第前途設遇凍阻恐抵次較每年稍遲是否無

誤冬兌著嘉謨熟籌速奏

甲子

直隸布政使楊景素奏言官兵赴山東臣於良鄉
新城任邱獻縣景州安設五站每站行程一百一
二十里應需馱載行裝車輛馬匹臣查照歷次兵
行成例於各站附近地方派撥調用兵丁等安營
飯食亦給發銀兩委員賁交各站迅速妥協豫備
沿途道路橋梁亦飭各該地方官刻日修墊平整

臣將諸務部署略定即親赴良鄉首站照料官兵起程并委保定府宋英玉河間府修禮各按所管地方分頭經理以利兵行再於每站各備車二百四十輛營驛馬各三百匹輪班應付似可有盈無絀惟是長途馬力原不免於疲乏今欽奉

諭旨即飛飭河間景州一帶官員臨時酌量更換不敢稍有遲誤奏入報

聞

同日周元理奏言臣接

諭旨命臣將保定駐防滿兵及臣標內各選數百於山東連界處所堵剿查直隸清河故城景州與山東臨清州最近臣至正定即委該鎮萬朝興在於鎮標內派兵百餘名於十三日飛赴清河縣截守臣即飛調臣標保定營兵八百名并保定駐防滿兵三百名亦定限即日起身由河間景州前往故城會集臣亦於十三日從正定取道徑赴景州故城

一帶俟調兵到齊卽飭將備等員押兵慎守截擒
斷不敢以隣封岐視奏入報

聞

上命軍機大臣傳諭舒赫德姚立德徐績曰昨諭令姚
立德徐績速將開口之賊上緊剿除但或揣度本地
綠營兵不能得用仍俟舒赫德到彼再行籌辦舒赫
德過程而行計期十四五等日可抵德州到時酌量
情形或候京兵津兵到齊進剿或卽馳赴臨清先就

所調之青州德州兩處滿兵率同徐績惟一等會勦
務期早淨賊氛以安良善又昨據徐績奏稱賊匪向
各村莊索人要糧間有被村民打死者可見小民原
能守禦暴非盡為賊所驅脅自應予之嘉獎以勵其
餘其能拏獲賊黨頭目及擒獻賊首者即奏聞請旨
分別加恩但不可使頑黠之徒借端報復仇讐擅害
平民姚立德徐績均當實心體察

乙丑

上命軍機大臣傳諭舒赫德拉旺多爾濟阿思哈徐績
曰賊匪在臨清州境將及旬日其初屯聚柳林旋以
攻劫州城被殲者衆移聚間口是其進無可據退無
可守情形窘迫可知計舒赫德日內可抵東省而徐
績已調之青州德州駐防兵八百餘近日亦應全到
其天津綠營及京兵各隊約計十七八九日俱可雲
集拉旺多爾濟阿思哈督領頭撥兵起程後應先馳
到東迅速定期分布精兵一面勦擒逆首黨犯一面

掩捕賊人眷口使其內顧驚疑更可立就擒獲著舒赫德等即行妥酌籌辦迅速馳報

同日大學士管兩江總督高晉等奏言壽張縣奸民聚衆一案臣高晉接准山東撫臣徐績咨會一體查拏即會同撫臣薩載密飭各府州縣及營員等於所轄地方實力偵緝並派委揚州營遊擊白雲上蕭碭營都司丁承爵馳赴徐屬接壤山東之水陸要隘巡查盤詰並不許稍涉張皇致滋擾累

奏八

諭曰因有山東賊匪之事不但何煇不能到工更有旨
令高晉帶兵至交界防範矣合龍之事專委吳嗣爵
隴載其共勉之

丙寅

大學士舒赫德奏言臣連日星夜遄行於十三日
午刻行抵德州適接徐績來札初六日在鄧家莊
等處勦殺賊衆初七日晚間賊攻臨清州城又經

جاناں جی

經過滄州曾面告該城守尉揀派駐防兵內精壯
勇銳者二百名令即起程約於一二日內亦可到
來計兩處兵丁已數一千之數如探聽賊勢猖獗
刻不可緩臣即星飛帶往殲勦一面行知拉旺多
爾濟阿思哈迅速前來臣留札指與應進道路再
臣面詢該州李燕知逆犯現在臨清舊城盤踞亦
未敢再攻州城將來四面受敵無處藏匿逃竄不
久自就滅亡惟現據徐績開送所調兵冊人數未

免稍單今厚集滿漢官兵各路堵截接仗時必得一舉殲盡醜類臣現又飛札徐績如此數日內尚無急須策應之處計京兵於二十日前後即可到德州臣候同帶往於攻勦尤為得利臣蒙

皇上委辦此事固不敢延緩貽誤亦不致冒昧輕率現擬暫駐德州一面探聽賊勢一面候天津滄州兵到時酌定起程會勦日期另行馳奏再京兵一千在京已各辦馬匹

聖慮猶恐以長途疲乏令沿途酌備替換今日臣見德州道上有馬一百三四十匹詢係濟寧州差人出口採買營馬因思德州至濟寧必經臨清萬一為賊搶劫資其騎乘尤屬非宜莫若暫留德州接應京兵兼可減調撥之數臣當即諭令將此項馬匹截留應用又京兵及滄州滿兵天津鎮兵到德州會集時所有應支口糧亦宜早為豫備臣面詢該州李燕稱倉儲寬裕足敷各兵支放之用臨時按

名酌量放給可無缺乏

同日大學士舒赫德奏言臣於本日卯刻拜發摺
後午刻又據姚立德徐績差弁投札內稱所調青
州滿兵十四日可到東昌近日逆匪攻打臨清被
我兵連勝數次賊人搭起浮橋三座夾河聚守仍
前窺擾又探聞十二日傍晚兗鎮同德州滿兵在
臨清城外與賊接仗未能取勝等語臣即傳該弁
面詢據稱兗州鎮總兵惟一德州城守尉格圖肯

駐兵臨清城外於十二日傍晚見有賊匪前來攻
撲營盤惟一同格圖肯即帶兵迎勦施放鎗礮約
傷斃賊匪一二百人我兵受傷者亦有一百餘人
惟一帶領官兵已往東昌格圖肯仍在臨清劄營
與否不能知道至臨清城內防守甚堅等語臣思
賊匪竟敢直撲營盤公然與官兵對敵此其慙不
畏死之狀鴟張已極斷非本省綠營兵所能了事
即青州德州滄州等處駐防滿兵亦未盡結實可

靠臣意徐績此時不可輕率進剿總俟京兵一到臣
即親帶啟行先期飛咨徐績約定同時自東昌帶兵
前赴臨清彼時兵多勢壯分剿合攻自可為一舉
殲盡之局惟查臨清城內現在官兵雖防守緊嚴
而城外少兵牽綴恐賊復奔逸別處滋擾尤難堵
截或專力攻取臨清亦無援兵可倚現在徐績暫
駐東昌未能進剿應酌撥兵丁添給惟一同青州
滿兵前赴臨清城外相取形勢之地結營助勢臣

現已札知徐績遵照辦理再臣現今知州李燕明
白曉諭德州居民無稍驚惶并飭糧道汪圻將河
干回空漕船及民船照看稽察小心防護臣又截
留福州滿營提標前營及漳州鎮所買馬六百匹
連前次所留之馬共七百餘匹接濟滿兵並料理
滄州滿兵儘足敷用臣又接姚立德等札稱傳聞
逆匪有數十人北竄臣已飛速行知周元理何燭
留心偵探如果有賊匪竄入務宜即時擒捕無任

遠颺滋蔓

同日嘉謨奏言臣於沿途遇有幫船行走之處無不密諭幫弁加意查察十一日申刻行次德州面見糧道汪圻據稱壽張賊匪現在圍擾臨清以致各幫水手畏縮不前當經明白開導并添委員弁催儻南下等語臣即令其在德州上下一帶催儻幫船防護盤詰臣於十二日馳往臨清以北之油坊見船隻停泊該處有臨清催漕守備萬世通聞

官何士錫等面稟初七日辰刻備弁等正在河干起閘挽船突有賊人蜂擁而至用藍白紬布包頭者四五百人餘俱光頭髮辮打結手執刀斧農具等物到處招人入夥至下午又將數十車輛亦俱過閘屯踞南水關內約有二三千人現在運道阻隔賊勢甚衆備弁等恐水手星散船有疎失隨回至幫中將船暫退在此停泊守候又據差往臨清探信之弁員回稟聞賊人每日往四鄉索取米豆

馬草牲口各等語臣以幫船屯泊處所相拒賊匪甚近恐被騷擾即諭令各幫挨幫屯泊並派頭舵綱司多備棍槓晝夜防護遇有賊匪前來即齊心擒捉毋使脫漏但恐緯夫水手借匪人名色生事當經嚴諭弁兵加意約束不許一人私自下船臣仍督率嚴切稽查不使稍有疎懈刻下滿漢官兵漸俱會集賊匪指日可擒運河一通臣即嚴督催趕飛挽南下不致有誤新漕至將來開河一帶若

有必須添繕加夫之處自應益加細心盤詰使餘
匪無從混入奏入

上命軍機大臣傳諭舒赫德拉旺多爾濟阿思哈曰賊
衆若往來奔竄攻勦稍難今既盤據一處掩捕更易
為力至惟一既在臨清何故又往東昌此時賊匪同
聚臨清舊城該鎮自應與格圖肯協同控守以待舒
赫德等統兵到時合力會勦況賊匪不時攻城惟一
等尤當駐兵城外以為牽綴兼與城內官兵成犄角

之勢舒赫德所籌甚是至拉旺多爾濟阿思哈即當
先行馳赴德州會同舒赫德酌定機宜辦理再據嘉
謨所奏臨清各村莊皆為賊搜索供饋舒赫德等於
攻勦時先當四路攔截使賊黨無從旁出取食則不
過數日即當飢困再以重兵圍擊自必坐斃成擒

上又命軍機大臣傳諭舒赫德曰賊人佔據舊城一節
從前徐績並未奏明不免意存粉飾現在該撫是否
尚知奮勉自効著舒赫德查明密奏再惟一與賊接

戰即因兵勢稍單不能痛殲賊衆亦當與格圖肯整頓入城同在城文武協力守禦或飛咨徐績撥兵添助相機勦擊乃竟前往東昌顯有避賊之意前因惟一救援徐績頗為出力曾經賞戴花翎是其有功即為加賞今與賊戰不勝避往東昌跡類畏怯實不能無罪其格圖肯是否尚在臨清或亦避往他處俱著舒赫德查明密奏毋稍含混至姚立德既帶領河標官兵與徐績同駐東昌防守其事較之挑河引水尤

為重大乃竟拘泥前旨前往徐州殊屬不知輕重若
非朕續降諭旨令其仍往東昌帶兵彈壓則姚立德
竟赴江南矣姚立德不應糊塗若此恐其有借事脫
身之意著舒赫德一體留心察其言辭動作能否奮
勉圖報據實奏聞俟事竣後一併核辦至賊首王倫
敢於如此猖獗必有代為謀畫之人罪與首惡相等
舒赫德於拏獲生口時應詳悉訊究不可輕宥至各
州縣舉貢生員等平日讀書明理身列膠庠不幸遇

賊惟當以死自矢如被煽惑脅從不得與齊民一律寬減若竟有味良逆理為賊畫策主謀不但其人萬礫難辭即管束生監之教官學政其處分亦不得輕著舒赫德於事竣後一并查明辦理至昨選派京兵一千皆係滿州勁旅訓練有素自為得力其各處駐防天津綠營雖尚有二千餘恐不及京兵之足恃若各項兵丁到齊舒赫德等統領赴勦迅速成功固屬甚善若各處之兵雖多無濟而所派京兵尚不敷用

即當再挑千名應用且當朕回鑾後馬匹亦多此事
著舒赫德即速據實覆奏候朕定奪

臣等謹按用兵之道惟在賞罰嚴明迺能策勵
將士所向功成鎮臣惟一當救援徐績時頗為
出力即

恩賞花翎以示獎勵及在臨清城外戰賊不勝與格圖

肯同時退避密令

臣

舒赫德察訪屬實旋即傳

旨正法俾軍紀肅然全營震惕奮勉集事豈非

乾斷公明信賞必罰之令行歟

同日何煥奏言臣於九月十一日在陳留縣途次

接奉

諭旨令臣不必即往南河仍留豫省協截逃匪即於十

二日回省接印任事查豫省黃河口岸現在封僱

船隻賊衆斷不能飛渡惟彰德府之內黃縣衛輝

府之滑濬二縣路通東省恐致竄越滋事臣現復

照會河北鎮臣黃模親至內黃縣扼要之地駐劄

督率并委河北道朱岐駐劄衛輝府會同鎮將等
調度彈壓其餘附近屬邑俱酌量添撥防守如有
賊黨竄入務期悉力邀截以伸

國法而靖地方不敢少有懈怠

同日署天津鎮總兵永昌奏言九月初十日大學
士舒赫德經過天津傳

旨令臣派撥官兵前往山東協拏壽張縣匪犯臣隨將
天津並附近東省各營兵丁酌調八百名派河間

協副將雅爾哈天津左營遊擊喜住葛沽營遊擊
盛伏禮帶領守備二員千把外委六員統領管押
限文到三日內由本境起程前赴德州內派天津
兵三百名分為兩起頭起於十三日起程二起於
十四日起程齊集德州聽候大學士調用再本月
十三日承督周元理札開賊匪現在東省臨清州
之柳林地方與故城相近該鎮即多帶將弁兵親
自飛赴故城景州一帶嚴行防禦等因臣隨飛調

附近之務關武清霸州舊州葛沽等營兵丁四百
名並都司常格單芳詹文炳守備陳正及千把外
委等升齊集天津跟隨親往堵截擒拏勿使漏網
臣於十四日先行起程所有天津地方亦屬緊要
不可無大員彈壓稽查臣現稟明督臣調通州協
副將富僧額於通協所屬七營兵丁內帶兵二百
名前來天津率同存津官兵一體防範以昭慎重
奏入

上命軍機大臣傳諭周元理何燭永昌曰永昌奏派調天津等營兵起程赴德州後又接督臣札調帶兵親往故城景州一帶堵擒逸賊所辦甚是現據舒赫德奏聞逆賊有數十人北竄已飛速行知周元理何燭留心偵探是直隸與臨清交界處所防截實關緊要周元理即著在交界處所擇其最扼要者自行駐劄實力防堵其餘則令總兵永昌萬朝興帶兵分駐俾專責成並派道員單功擢分駐防守如景州等要處

尚須大員經理則留楊景素在景州董辦若鎮道已足分布則令楊景素於送兵事畢即回省城辦事著周元理妥酌辦理奏聞何燭亦著帶兵前赴豫省與東昌臨清交界要地駐劄巡防毋使竄逸至賊匪自知罪大惡極起意脫逃斷不肯稍露蹤跡必皆改裝客商行旅混入平人冀圖漏網周元理何燭務分飭文武屬員凡遇東省來往之人須留心稽察如有形跡可疑者即多方盤詰勿稍疎略

欽定勦捕臨清逆匪紀略卷二

欽定四庫全書

欽定勦捕臨清逆匪紀略卷三

丁卯

上命御前侍衛春寧帶領精嫻弓箭吉林索倫官兵五十名於常山峪起程由京前往山東隨同大學士舒赫德勦擊逆匪並

命軍機大臣傳諭署步軍統領刑部尚書英廉曰兵丁等應得之項及馬匹帳房著英廉速行辦給其勦賊

時鳥鎗及梅針箭甚為得用恐前此京兵帶往者尚
不敷用並著英廉再選辦鉛彈火藥箭枝派員運送
交舒赫德等分給兵丁備用

同日徐績奏言臣接奉

諭旨嘉獎守禦臨清之副將葉信叅將烏大經千總孟
大勇署臨清州秦震鈞俱准事竣量其功績奏聞
陞用仰見我

皇上鼓勵臣工片長必錄之至意臣已飛錄

恩旨諭知葉信等俾感激奮勵堅心守禦并曉諭東昌
城內各官使其共知鼓舞奮發至賊匪黨類在東
昌府西北一帶隨地竄伏其巨魁則仍屯聚臨清
如不能攻得新城恐即有四散逃竄之事西則侵
擾直隸南則侵擾河南江南是以臣留惟一在臨
清州東北臣在東昌左近南北徼巡現據探報惟
一於十一日駐臨清州城北十二日德州城守尉
格圖肯亦至適遇賊匪數百人交戰二次賊即退

却正在追勦之際大隊賊人俱至隨即衝散賊人雖有殺戮我兵亦有損傷臣又接觀城縣知縣詹其淵稟報九月初十日盤獲賊夥一名劉成供係直隸開州劉家莊人臣已飛咨直隸督臣速拏該犯眷屬窮究夥黨并飭將劉成解臣嚴審再臨清文武官守城已經七日恐兵力疲乏臣已派撥官兵協濟臣在東昌巡防則賊匪不敢南犯北路有舒赫德勁兵踵至自更不敢北窺一二日內京兵

到齊臣遵

旨與舒赫德定地會勦以期一舉成功再臣於十四日
據館陶縣稟稱有林潘寨武生王建基張灝首報
本月初九日見一夥賊匪到莊手執槍棍紅白藍
布裏頭強行搶奪馬騾口出逆言令生等去帽跟
隨如敢不從放火殺死生等率同鄉民田孝等用
槍棍鋤鋤一齊擁上將逆匪一十七人盡行殺死
隨飛赴查驗確實等情臣已批候奏明請

旨給予官職臣謹附摺奏

聞

同日徐績又奏言臣探知賊營車輛已多至三百餘輛圍繞作城而賊匪攻城之時賊營管車人數充實難以搶截焚燒又臨清關廂之內距河不遠且俱係街巷民居賊匪以短械出關我兵以鎗礮弓箭取勝地勢局促難以交鋒臣現在謹遵

諭旨俟舒赫德帶兵到時會同進剿至臣前令兗州府

知府福森布將王倫曾祖祖父墳墓刨掘今據稟
王倫之曾祖及祖棺已腐壞王倫之父已葬五年
棺猶發熱屍面長有白毛容顏如生隨用兵器撲
碎腦漿迸流尚有鮮血已俱火燒揚灰并平毀王
倫所住房屋以制逆賊之命再目下回空糧船雖
停滯數日逆匪尚不敢作踐驛遞亦不梗阻合并
奏

聞奏入

上命軍機大臣傳諭舒赫德姚立德徐績曰觀城縣知縣詹其淵盤獲逆匪劉成尚屬能事著徐績俟事竣後出具考語送部引見又武生王建基張灝率衆殺賊甚屬可嘉著各賞給千總銜如再能出力奏明量加錄用其隨同殺賊之鄉民並著查明酌賞銀錢傳旨嘉獎徐績當出示曉諭俾百姓觀感奮勉善良者各自保全愚迷者及早悔悟若能如王建基等之殺賊報官一體奏聞錄叙至鄉愚被脅其情固有可

原但既經曉諭之後百姓等當更知大義若尚敢隨賊持械抗拒官兵即與賊黨無異雖其初或係迫脅而既已從逆即難輕宥嗣後如已破賊營獲有賊犯眷屬查係首犯及濟惡逆犯者即當全家處斬餘亦照律緣坐或賊營內有被脅拘留之老幼男婦訊無從賊實跡即予釋放若臨陣拏獲抗拒之犯於所在地方審明正法如係首犯及濟惡要犯當并其家屬駢誅毋稍姑息至賊人車輛多至三百餘圍繞作城

其夜間住宿必係卸套連結正當用火攻燒若官兵
四面圍擊斷其去路賊必無從竄逸舒赫德等當留
心經理

同日大學士舒赫德奏言據帶領天津兵之河間
協副將雅爾哈面稟轉據景州營守備魏三台具
報本月十三日戌刻差赴臨清探信之馬兵夏榮
回稱十二日至桑林地方距臨清二十餘里是日
未時有兗州鎮惟一帶兵二百五十名德州城守

尉格圖肯帶滿兵二百五十名與賊打仗榮隨跟至打仗處探望自未時開鎗不斷打至戌刻忽見跑回兵丁甚急榮亦回至夏津縣店內至三更時忽有滿兵跑回八十餘名綠營兵跑回七八名又格圖肯亦回至夏津縣店內十三日早前往東昌等語是十二日與賊接仗官兵不能取勝惟一與格圖肯先後俱回東昌似屬確實臣又於次日卯刻飛劄徐績如臨清保守嚴固可無他虞莫若令

惟一等暫住東昌俟數日內京兵到來臣即由恩縣一路直趨臨清並先期知會徐績惟一亦由東昌直赴臨清為兩路夾擊之舉再據守備魏三台探稱逆匪實在黨羽不過三四百人其餘俱係隨地迫脅之衆每至打仗時先以附從平民來攔頭陣俟官兵鎗礮將盡真黨即捨死奔前攻撲是賊人鬼蜮伎倆不過如此臣等帶領京兵進勦時擬先分撥一二隊引出賊人餘黨俟其正匪見面時

然後鎗箭並施痛加殲戮則賊計自窮定可一舉
集事又據魏三台稟稱有聊城縣民王德前經被
賊逼從今已逃回臣現差員前往傳喚王德詳詢
賊情至滄州滿兵二百名已於十四十五兩日到
齊其天津鎮頭起兵二百名亦於今日來抵德州
理合奏

聞奏入

上命軍機大臣密諭舒赫德曰惟一格圖肯俱係領兵

大員自應勇往殺賊即或稍為猖獗官兵不能取勝亦當整隊進臨清新城與在城文武協力堅守雖退入新城亦不能無過然向後若能奮勉猶可以功相抵乃惟一格圖肯一經兵挫竟爾退往東昌實出情理之外臨陣退避為國法所不宥惟一雖係五福之子格圖肯雖係宗室而既經干犯軍紀若復曲為寬貸則此時進勦何以勵衆將來命討何以用人前此惟一救援徐績著有微勞朕即賞戴花翎有功既賞

有罪又豈可不誅著舒赫德俟京兵到齊拉旺多爾
濟阿思哈徐績等會集臨清於定期進剿之前一日
傳朕此旨將惟一格圖肯革職拏問當衆訊以爾等
與賊接戰時即有失利亦應退保新城縱兵力果單
猝不能守甚至臨陣捐軀身先授命不但躬膺卹典
爾子孫亦蒙襲廕何等光榮歷來軍營陣亡恩例爾
等寧有不知何致甘心退縮貽笑於人此時自蹈憲
典爾等復有何辯如此傳旨訊問錄取供詞奏聞一

面即將伊二人在彼正法示衆其兗州鎮總兵員缺緊要一時不能得人現在防守臨清之副將葉信保城殺賊似屬能事已降旨陞銜一等侯事成酌量錄用若其人能勝兗鎮之任舒赫德即行奏請補授又德州駐防兵內跑回者八十餘名此雖非京城勁旅不應不顧顏面若此著舒赫德查明首先倡逃之人即行正法餘發烏魯木齊充當苦差至德州駐防兵經格圖肯帶往者共二百五十名今跑回者僅八十

餘此外有打仗時陣亡及傷重者當查明照例卹賞
倘有因交鋒挫衄四散奔潰者即應照逃兵之例於
拏獲處所正法其惟一所帶之兵亦當照此查明辦
理

上又命軍機大臣傳諭舒赫德姚立德徐績曰村民既
有自賊中逃回者可見百姓非盡昧天良徐績等當
迎機化導遍行曉諭使其審擇禍福各知猛省復為
良民至賊人驅迫愚民在前攬受官兵鎗礮其情尤

為可恨舒赫德等於進剿打仗時當令人揚聲傳示
使百姓即速避開聽我兵用鎗礮擊賊若復迷而不
悟我健銳營鳥鎗從無虛發轟擊所及玉石俱焚毋
自貽戚如此愷切宣諭必當感激聽命

同日國泰奏言十三日接奉

諭旨

命臣前往德州料理官兵過境臣即帶兵百名於十四
日黎明起程繞道由往平高唐大路行走賊匪現

俱聚集臨清大路一帶尚屬寧靜京兵到德州時
臣當嚴行查察不致有滋擾之事沿途並曉諭居
民使知

聖主隆恩軫念百姓被賊擾害特遣勁旅勦滅賊匪指
日即可殲除毋稍驚恐奏入報

聞

同日山東按察使孫廷槐奏言撫臣徐績檄臣在
省督率文武員弁慎密巡防臣恐賊黨分散逃竄

各州縣境內必須豫為防範業經飛飭嚴密查拏
現在省城添派員弁多帶兵役小心巡察并增造
刀箭火彈以備需用遠近民情俱各寧謐再查續
調青登一路官兵省城為必經之地且沿途經過
地方應付糧草催備車騾馱載軍裝器械皆須豫
為籌備臣已同在省道府等官逐一悉心辦理查
青州營叅將文壇領兵四百名青州副都統伍什
布領弁兵五百員名已於初八九等日分起趨行

全數過省兵丁安靜奉法沿路並無滋擾奏入

諭曰省城惟以鎮靜民情為要不可過事張皇更不可疎於防守勉之

同日何煥奏言臣遵

諭旨酌派河北鎮標兵一千名令河北鎮總兵黃模帶領由內黃縣前進與直東二省官兵定地會勦並選派駐防兵四百名臣標兵三百名臣親自帶領亦由內黃一帶於山東連界處所堵禦務使賊衆

無路可竄迅速就擒仍飛飭所屬嚴密防守堵禦
臣調集官兵即日渡河起程一面星飭河北鎮剋
期前往並照會南陽鎮總兵許時中帶兵一千四
百名前來分路堵禦接應其豫省各屬一應防守
事宜臣悉心籌畫交與署布政使榮柱等加謹料
理奏入報

聞

戊辰

上諭內閣曰此次派赴山東勦捕賊匪之京城滿兵一千名起程甚為迅速良鄉為出京首站辦理較他處尤急今京兵於十三至十五等日分撥起程良鄉縣所辦應付事宜俱能妥速俾各兵踴躍過行楊景素經理甚為合宜良鄉縣承辦亦為奮勉均屬可嘉著交該部議叙

同日姚立德徐績奏言臣等屢奉

諭旨指示機宜無微不至查沈齊義查拏邪教洩漏風

聲之處現據閭逢源供稱王倫同劉煥王會全素常交好劉煥本壽張縣民壯王會全亦在壽張縣署前開鋪俱係入教之人事發後攜帶家眷俱跟隨王倫而去則洩漏信息即當是此等逆夥至陽穀縣監被賊開放各犯內現據兗州府稟有監犯郝宗文自行投到其原犯何罪未據聲明又據朝城縣稟有陽穀縣監犯席二係鬪毆金刃傷人致死之犯被賊開放脅迫同行席二誑言有八十老

母須回家看視隨逃至朝城到官自首等情臣即飭令仍歸陽穀縣收管

同日姚立德徐績又奏言九月十六日早臣等正在封摺間接臨清州稟報十四日賊匪在南城外并觀嘴等處燒燬民居搶劫當舖又於城西北隅望見賊人將糧船橫排外河似作浮橋之意十五日午後在於州之東北兩面離城二三里每隊或七八十人不等攔截往來似欲使我軍不通音信

臣查臨清州北十五里與直隸廣平府清河縣連界今賊匪以糧船為浮橋或係接引西北一帶黨夥或係賊匪過河竄入直隸臣等已星飛知會直隸督臣及正定鎮大名協廣平府一體堵禦截擒臣徐績等帶兵四百餘名在梁家淺以北屯劄一面知會舒赫德酌定日期會剿再查臨清州城之外向有廢城基址所包地勢廣濶城牆坍塌已久其州城係屬新基坐落廢城東北隅衙署倉庫

俱在新城之內初七日賊匪到臨清州屯聚運河西岸於閘上搭橋過渡攻城十二日賊匪挈其大隊及車輛婦女輜重移屯運河東岸廢城之內民居稠密賊匪搶取民間口糧豆草佔居民房廟宇藏匿賊眷將大車三百餘輛攔住街道巷口十三十四日並未攻城臣徐績又差青州營叅將文壇帶兵入城協防自不致有疎虞但賊匪雖已移佔河東而河西舊屯之地尚有夥黨多人閘上所搭

浮橋賊匪盤踞甚嚴難以燒燬客俟乘隙相機辦理今舒赫德已在德州扼其要路直隸督臣帶兵防守要隘北路層層關鎖正定河北兩鎮與河南撫臣各於臨清附近隨地堵截臣徐績等截住賊人南路是逆匪已入死地一俟大兵會集即可剋期撲滅仰慰

聖懷

同日舒赫德奏言據知州李燕將自賊中逃回之

王德喚到臣詳加詢問據稱賊之真黨為數不多其餘都係用強迫從隨聚隨散其存留不能脫身者大約俱因家口亦為賊拘繫是以顧戀未逃至其所用刀棍並非軍器此不過亡命烏合於肆行劫掠之後自知罪大惡極無可逃避益復跳梁今探聽逆匪於十二日出來接仗後未聞復至臨清城外攻擾臣已飛劄徐績等令其設法致信城中加意嚴行防守臣不日提兵即至不可稍懈且聞

賊眷俱載車上兼多輜重一時未能遠竄數日內
臣等會合官兵正可痛加勦洗不留餘孽再聞綠
營兵連次打仗有實在傷亡者有躲避不見者即
德州滿兵此次打仗亦有傷損現已飭令該城守
尉查明具報綠營兵丁臣亦會同徐績查核明確
請

旨辦理

同日嘉謨奏言九月十五日接奉

十六

即日勦除逆黨肅清河路臣即晝夜嚴催南下自
不致有冰阻遲誤再臣於十五日辰刻據山東前
幫千總辛振遠清河縣縣丞王廷曾同稟賊匪欲
將住泊臨清北水關之空船搭橋似欲西逸等語
適聞廣平府現駐清河縣城內臣就近飛飭該府
并大名道多集兵役防禦河干勿任搭橋西渡擾
害直境並飛咨直隸督臣周元理迅速防禦戍刻
又據縣丞王廷曾等面稟賊匪已將河內船隻聚

集搭橋臣一面飛劄山東糧道汪圻令其稟知大學士舒赫德相機辦理奏入

上諭內閣曰監犯被賊開放逼行本不為無罪今郝宗文席二均於賊中脫回赴官投首罪囚能知大義守法歸獄情可矜原所有原犯罪名俱著加恩寬免至賊匪擾害壽張等三縣所放監犯自不止此二人著徐績出示曉諭將此二人免罪之故宣示衆知如有能照此投回者亦即一體免罪若逃匿他處不即投

官事平之後必當拏獲照越獄例於本罪上加一等
倘有愍不畏法隨賊抗拒官兵者較越獄之罪尤重
一經拏獲俱以賊黨論不問原犯何罪即概予駢誅
決不輕貸該撫務行明白宣諭俾各犯審擇禍福毋
自貽悔

臣等謹按逆匪肆擾臣民共憤王建基張灝以
武生率衆殺賊郝宗文席二以監犯被劫逃歸
自首可見

恩澤入人之深天良感發出於自然我

皇上特頒恩旨武生即予加銜監犯貸其死罪以昭激
勸而勵善良所以不出一月而賊黨聚殲人民

安集也

上命軍機大臣傳諭嘉謨楊景素姚立德徐績曰河岸
停泊空船本無所用該管員弁見有賊衆滋擾即應
移泊西岸使賊無可資乃竟將空船留泊東岸反為
賊用所有管理頭幫糧船之員弁等實難辭罪著嘉

謨即行查明叅奏至賊人渡河而西恐其竄往直隸不可不防周元理雖在直東交界處所督兵防截其臨清北關浮橋尤為緊要楊景素現因送兵至景州著即率兵數百選派勇幹將弁前往臨清船橋西岸扼住橋口遇有過橋之賊盡行殲戮無使一人得脫若能將其橋船拆斷更為妥協至臨清州新城經賊屢次攻劫均能堅守無虞設法殺賊在城文武均屬可嘉其副將葉信叅將烏大經前已降旨各陞銜一

等具署知州秦震鈞即著實授臨清州知州仍該撫
於事竣後送部引見

上又命軍機大臣傳諭舒赫德阿思哈姚立德徐績曰
據舒赫德奏到詢問王德供詞可見賊無能為俟京
兵到齊會勦即當尅日掃平惟是自北往勦之兵舒
赫德等調度合宜八旗勁旅亦甚得力所到自即成
功而自東昌南來會勦者均係綠旗怯懦無能即駐
防亦未足恃徐績等措置又未必妥協恐賊人避強

趨弱致未能一鼓成擒著舒赫德將京兵內派出三百名並於昨日派往之東三省健勇人內派出二十名天津綠營及滄州駐防內共派出三百名令阿思哈率同天津鎮永昌帶領繞往臨清之南與徐績等合兵一路則綠營得此精銳為之表率亦可冀其效法再賊匪於臨清北水關將住泊糧船搭造浮橋恐其由此西逸潛往直隸已諭楊景素帶領精兵在橋口堵截遇有賊過橋即行截殺舒赫德於此事亦當

留心應於未進兵之前斷其浮橋並將閘口所搭之橋屯住苟或不能即行燒燬使賊衆不能渡河勦捕更易為力

臣等謹按逆匪佔據臨清舊城其地本屬通塗自應分路會勦臣舒赫德等既奉

命統率八旗勁旅由臨清之北進攻賊自聞聲膽落惟南來會勦之綠旗駐防等兵既不足恃而撫臣徐績又素不嫻軍旅調度必不能合宜恐措置

稍乖轉為全局之累我

皇上籌畫及此

特命

臣

阿思哈於京兵內選派精兵三百並東三省健

勇二十人統率馳往南路與徐績會合俾綠營
有所效法咸成勁旅實制勝之一大關鍵又先
命楊景素前往防禦酌量燬其浮橋使賊不能西逸尤
為行軍要領實皆

睿謨成算炳燭幾先所由風馳霆擊賊氛迅掃也歟

同日舒赫德奏言臣奉

命至山東會勦逆匪自抵德州以後察訪賊情原不過
么膺烏合亡命跳梁緣起事之初雖經官兵屢次
殺戮尚未能大示創懲今各路滿漢兵丁現將全
到德州兵威壯盛必將一舉集事大快人心伏思
用兵勦賊全在分路得宜以防橫逸是以臣於地
方官進見時必詳詢道里情形并令糧道汪圻繪
圖面講查賊匪現聚臨清舊城大寺又於閘口搭

有浮橋過渡其家屬車輛俱潛集河西之杏園若
臣與徐績等祇在河東攻勦將來逆匪窮竄勢必
盡往河西奔逸甚且竄至直隸境之油坊等處再
能集兵千名在河西同進使之腹脅受敵既可多
分賊勢亦且無虞遠竄臣正在籌畫間適直隸總
督周元理自景州來晤面詢賊情臣即持圖向商
據稱景州等處現在有兵分佈堵截正可分撥一
千名至臨清河西一同進勦等語是周元理與臣

意見相合臣現擬分兵三路臣與拉旺多爾濟阿
思哈自德州由恩縣夏津至臨清計程二百里徐
績等自東昌直赴臨清計程一百三十五里督臣
周元理所派兵一千名自景州由故城油坊至臨
清計程二百二十五里臣俟京兵於二十一日到
齊後二十二日即分隊帶兵前進二十四日可到
臨清先期即飛咨周元理令領兵將弁亦於二十
二日起程令徐績等扣算程站之遠近以定起行

之先後總於二十四日同時並到臨期再各相照
會一齊勦殺三面堵截將見立可擒渠盡除黨逆
釜底遊魂何所容其逃匿所有臣現在酌定三路
進攻情形謹繪圖貼說恭呈

御覽伏祈

訓示奏入

諭曰所辦甚合機宜但恐徐績惟一不能集事故今日
有旨令阿思哈前去助彼攻勦務在酌量事機勉力

為之

同日國泰奏言臣奉

命辦理應付京兵事宜於十五日抵德州即詳悉籌畫
除豫備馬匹一項業經大學士舒赫德奏明截留
福建暨山東本省新買營驛馬共七百七十三匹
留於德州以備更替外其官兵口糧一項滿兵每
月例給銀一兩七錢五分綠營例照滿兵減半給
發每人每日均給米八合三勺其官員口糧按照

欽定四庫全書

欽定四庫全書
卷三

品級大小分別遞加今擬俟官兵到德州日均照
一月之數先行發給至馬匹草料臣業令經過地
方官先發價備辦以便各兵經過時自行買用承
辦官亦可得價還項其銅鍋趕辦不及現在改用
鐵鍋俟事竣收回其餘一切應付事件臣當悉
心籌辦不敢稍有貽誤奏入報

聞

欽定勦捕臨清逆匪紀略卷三